

Sagai Muittalægje

1as Oktober 1904.

No. 7.

»Sagai Muittalægje« boatta guovte gærde juokke manost, 1as ja 15ad bæive, ja maksa ovta kruvna ja 20 øra jakkodagast — 60 øra jakkebælest. Bladde matta dinggujuvvut juokke poastarappe bokte. Dietetusak maksek 5 øra rana.

1as jakkodak.

„Dietto læ fabmo.“

Nuft cælkka okta sadnevajas, ja dat læ olles duottavuotta. Daiddemøtom olmuš i birgge burist dam mailmest. Mi darbašep buokak bajasčuvvggitusa ja dieđo, maggar vela min ællemdillalašvuotta šaddaš dam mailmest. Mutto dietto ja bajasčuvvggitus boatta skuvla ja lokkam čađa.

Damdtii læ dat darbašlaš ožudet ješgutteg aidsis æmbo dieđo ja bajasčuvvggitusa. Damditi berre juokkehaš adnet morraša dam oudast, atte su manak vazzek viššalet skuvlast; dastgo buok dietto ja bajasčuvvggitus berre vuodđoduvvut juo mannavuodast. Ja maid olmuš oappa mannavuodast, dat i vajaldattujuvvu nu farga.

Mutto dabe Finmarkost erit ajatallek manak skuvlast mendo davja. Mi diettep, atte manga baikest læ matke skuvla sagjai nu gukke, ja muttom sidain satta maidai gæfhevuotta ja hæjos vække læt stuora hettetussan. Mutto go olbmust læ datto ja hallo, de satta son bæssat ollo vaddesvuodaid mæddel. Mi diettep, atte vaivaškassa væketa manaidi biebmō, go i læk æra radde.

Dat læi manai harrai. Nuorragærdde berre doallat blađid ja lokkat girjid. Daggio bokte boatta maidai dietto ja bajasčuvvggitus. Dat læi dam blađe olgusdoaimatægji jurda, atte dat blađe galgai maidai læt vækken bajasčuvvggitusa ouddanæbmai, erinoamašet daidi samidi, guđek æi vela satte nu ollo darogiela, atte si dam čađa burist addijek. Ja vaiko olmuš vela ibmerdage daro, de læ dat goitge havske oazžot lokkat su ječas gilli Ædnegiella čuogja min belljin dego

almalaš čuojanus, ja dam gilli gavdne buok jurddagak ja sardnom oudde-musta saje min vaimost. Damditi hallidep mi lokkat min ædnegiellamek. Mi rakistep dam giela, man gilli mi ædne askest oappaimek cælkket min vuostas sadnamek.

Soatte.

Oudeb nummarest muittaleimek mi, atte garra soatte læi læmaš Liaojange birrasen, ja atte ruoša soattevæka læi ferttim guodđet Liaojange ja gaiddat davebuidi. Nuft muittaleimek mi telegrama mielde.

Æska dal lokkujuvvu avisain visubut dam hirbmos garra soađe birra, mi læi ruoša ja Japan soattevægai gaskast september algost. Soatte bistu ovtamanost orostamkætta gæčos vakko. Sikke bæived ja ikko jubine kanovnak ja šuvve dollaluodak, ja duhati mielde gæčce soaldatak goabbašagai bældē. Kuropatkin fertti maņemus guodđet Liaojange gavpuga ja gæčcat hoappost batarussi su soattevægaines, amas son birrastattujuvvut japanalažain. Muittaluvvu, atte batardeđines bođi okta oasse ruoša soattevægast muttom joga duokkai. Go si galgge gæčcalet bæssat joga rasta, hævvanegje olles joavkko hæstak, mak jokkaravdnje mielde golgge ovta jokkamoalkai ja čoagganegje dasa ovta čoakkai, nuft atte daggio šaddai dego šalddē hæstatorogin. Dam mlēde gæččalegje soaldatak rasta mannat japanalažai luodđaborgasa siste; mutto šalddē hagjusi, ja ædnagak hævvanegje jokki.

Liaojange bođi japanalažai haldoi; mutto ruošak buollategje maga-

sinviesoid, ouddal go si gudde gavpuga. Daddeke ožžu japanalažak ollo borramušgalvo ja soattebierrgasid, vaiko dolla duššadi ædnag viesoid.

Dat soatte Liaojangest læ okta daina goavemus sođin dai maņemus čuođe jagin, ja jos japanalaš soaldatak æi lifči læmaš nu garraset vaibam, go si legje, de lifče gal Kuropatkin oktan su soattevægaines juo aibas vuoittatallam dam have.

Japan oaiivvegavpugest læi stuora illo dam vuoto diti.

Ruoša soattevæka læ dal Mukden guovlost; mutto ruoša soaldatak læk hurvasak. Sikke ruoša- ja Japan soattevæka orroba dal jaska Mukden lakkasin. Goabbašagak vuorddeba æmbo soaldatid.

I vela læk Port Arthur gavpug ja ladne japanalažai haldost. Stuora hette galgga læt Port Arthurest. Buok vailo, farga vela čaccege læ vanes, ja japanalažak bačalegje alo Okta nubbe dievva olgobæld gavpuga boatta japanalažai haldoi. Okta daina maņemus telegramain muittala, atte ruošak gæččalegje ožudet ruoktot daid dievaid, mutto vuoittatalle fastet. Okta javko ruoša soaldatak sotte ja gæčce gidda maņemus olbma ragjai, dainago ruoša generala Støssel læi kommanderim sin vuoittet daihe jabmet.

Petersborgast læ olbmuk sikke morrašest ja unokas mielast, go sin soattevæka vuoittatalai nu fastet Liaojangesoadeš. Si sivatallek soattehærra Aleksieff, gæn si sittek bigjujuvvut erit su ammateš. Kuropatkin si æi sivatalla æra go dam, atte sust legje soaldatak bærre čoakkest, Liaojangesoadeš; mutto si imaštallek su movta dai maņemus vakko sođin.

Stuora gruvvabarggo Navuonast.

Navuonast Skierva papagiældast læ gavdnum valljit væike. Væikkegruvva-æigadak rakkanek dal algget dobbe stuoreb gruvvabargo. Baddarest rakkaduvvu dal ædnag orromvistek (barakkak), sikke bajas varrai gruvva guri ja vuolas mærragaddai. Dokko rakaduvvu dal sikke malma cuvkkim- ja doidimrakkanus. Balgest, mi læ 10 kilometer gukku, læ dal rakkaduvvum mærragaddest bajas gruvvaidi. Elektrisk æuovgga adnujuvvu juo gruvvain, ja okta hui stuora lastimkaja læ rakkaduvvumen. Direktorgarddem galgga dal bajasbigjuvvut ouddemusta. Direktora With Gavuonast galgga dal sirdet su orromsajest Baddari, dainago dal gaddujuvvu, atte Navuona væikkegruvvain sadda sagga stuoreb barggo go Gavuonast Alatægjost. Dat læ Sulithjelmaselskappe, goesa Navuona væikkegruvvak gullek

Dai væikkegruvvai lakka læ Middavarre, gost gavpeolbmast Gjæverest Duikaæst læk 35 mitteduvvum væikkeærpak. Muittaluvvu, atte dak galggek læk mavsoლაჭაკ.

Spitsberga-koalak.

Maidai Spitsbergast gavdnujek koalak (gædgeæðak). Sikke dam ja oudeb gæse læk muttom darolažak læmas dobbe koalaid barggamen. Æska laje boði dampa »Ituna« Spitsbergast Tromsai. Dat buvti mieldes 170 tona arvo koalaid. Barggek botte ruok tot dam dampa mielde; mutto insjenera Fangen ja skippar Søren Sakariasen læva ain dobbe ovtain ucces skipačin. Spitsberga-koalak galggek læk buorek.

Potetosi-bajasvalddem-maskina

adnujuvvu uccan min ædnamest, ja dabe Finmarkost læk gal ollo olbmuk, guðek æi daide ovta gærde læk gullam dam birra bæggemenge. Dat maskina rogga potetosid bajas, ja dat vuogas rakkanus savdnja muolda visudet erit, nuft atte potetosak säddek aibas ravas, ja de i læk æra, go æoaget ja barddit potetosid littidi.

Madden Norgast adnujuvvu muttom bælddo-gilvimbaikin daggar maskinak. Æska botte Norgi dampa

mielde Londonest 15 maskina. Dat maskina vugjujuvvu hæstaigum sæmma laje go lagjin-maskina.

Sida kvitteriga!

Juokkehaš, gutte dinggo avisa ja maksa dam oudast poastarappe giti, satta ja berre gaibedet poastarapest kvitteriga dam ala, atte son læ maksam. Dat læ laga mielde poastarappe gædnegasvuotta æallet juokke avisa dinggojægjai kvitteriga ruðai vuostaivalddem oudast.

Ješraddalaš manak.

Muttom ruotalaš blaðest lokkujuvvu æuovvovaš bitta, mi berre vutivalddujuvvut:

Nuovjutuvvum manak læk vaiven sikke aldsesek ja sin sida-olbmuidi; dastgo jos olmuš dævdda sin savvagid ja adda sigjidi dam, maid si dattok, de boatta goitge manemusta dat aigge, goas dat i satte dakkujuvvut, dainago dat ješraddalaš manna satta ouddamærka diti æierrot, go i oažžo mano alnest, ja lædet hæjos mielast dam diti.

Dat læ stuora fæila atte riebmat alo nuovjutet manaid. Okta nuovjutuvvum manna læ alelassi hæjos mielast, æierro, go i læk alo miela mielde, ja jos son galgga dakkat maidege, de sadda dat dakkujuvvut vuostamielain. Son læ alo ožžom savvagides ollašuvvat, ja son i satte illodet baljo mange diti. Go manna nuovjutuvvu, de massa dat manalaš iloid; dat manna i sadda gittavaš, ige rakislaš; dastgo dat jakka ja doaivvo, atte dat alo galgga oažžot, maid dat sitta. Mana ædnai læ vaddes dam oažžot buorre milli, ja dat sivatalla cera manaid daihe mannabiga. Nuft læ dat daina vuostas jagin; mannel sadda daggar mana dille vela hæjob.

Okta nuovjutuvvum manna dovdda ječas likkotæbmen, go dat guoðða vanhemi-sida, gost dat læi harjanam alo oažžot ječas dattos oudan. Maidai skuvlast læ daggar manna vaiven, ja amas olmui gaskast læ dat hæjot likkujuvvum. Æi oapatægjek satte doallat goavasa daggar manain. Dat vigga davja erit ajatallak skuvlast, ja jos dat bargga oapat maidege, de læ dat dušse ječas ramedam varas. Go daggar manak bajasäddek, de æi satte sädakat bargolaš ja arvostadnujuvvum olmušen,

mutto dušse daiddemættom ja ješbuorre olmušen, de læ dat vanhemi sivva. Si æi læk rakistam manasek riftes lakkai.

Gumpe

læ damge jage spægjam Madda-Varjagest. Ovta olbmast læ dat dobbe goddam 8 savea.

Si bæce spine.

Dast æska laje boði sadne Mehavni, atte gumpe læi boattam gusai sisa. Muttom bæcæ-olbmak vulgge daggaviðe dokko. Go si botte, oidne si gumpe doarromen gusaigum. Gumpe læi muolddan ja æppat. Si botte bæcæim muddoi ja bæce, mutto go si ilost ja læktan hurraæuorvvasin vikke dam dæivatallam spire lusa, oidne si, atte dat læi okta spidne, maid si legje bæcæam. Dat spidne gulai muttom Mehavna orroi ja dat læi æagjadam gusai særvvai. Dak bæcæolbmak æi galle læk oaidnam gumpe juokke bæive, go æi dovddam buorebut. Spine æigak arvvala gaibedet daina dæivvelas bæcæolbmam mavso spines oudast.

Ruoša skipak.

Ain læk 14 guolleoaste ruoša skipak Hammerfestast; mutto dal sädagoatta dat aigge, go si vulgge ruoktot. Hadde læ læmas dam manemuš vakko buorre, okta viekko saidek jaffoviegoin.

Vehaš Porsangost.

(Sisasaddijuvvum.)

Manne læ min gieldda olbmuk nu lossamielast ja vuolasdeddum? I dam satte oktage imaštallat, gutte vehašge jurdaša dam dalve boattem birra.

Manne nuft? jerrek vissasi olbmuk, guðek læk olgobæld min Kistranda gieldda. Alma dam jage læ læmas buorre bivddo, oažžo dagjat, æaða dam jage gidda dam ragjai juokke guovlost? Juo, nuft læp gal maidai mige gullam bæggemen æra guovloin; mutto mi læp sädakat govsatallat dam bivddost, maid mi gocæodep gæssebivddon.

Dalvebivddo læ læmas buorre dam moadde olmu vuostai, guðek læ læmas dam særvest, ja giddebivddo maidai; mutto go læ læmas

hæjos bivddo moadde jage juo oudal, de læ arvvedøemest, atte dam jagas bivdok læk ferttim gokčat oudalaš velgid handalidi ja værøidi, nuft atte dat læ gæpas arvvedet, atte dak bivdok læk ænaš gollam daidi.

Gæssebivddo dam sagjai læ læmaš aibas hægjo, oažžo cælkket, i mikkege. Olbmuk æi muite, atte læ goassege læmaš nu hæjos gæssebivddo dabe Porsangost. Go vuoiggage cælkka, aido moadde dalo læk, gøina galgga læt muttom muddoi dalvvejaffo, ja ænaš oasest i læk kiloge, nuft atte olmuš i mate arvvedet, moft olbmuk galggek birgget bagjel dalve. Gavppe-olbmak æi daide bigjat vælge buokaidi. Goakgiede vaivaškasast i daide læk varre biebmæt daid ædnag darbašægjid, ja im dieđe, bođešekgo dam boatte jage addaldak-ruđak Amerikast nuftgo oudeb jage. Ja mi læ mist vel radđen. Statskassa i læk visses, dainago mannam jage læ juo min gieldda valddam statskasast vèlgast 3000 — golbma duhat — kruvna, ja dal darbašifčimek mi vissasi fastain 3000 kruvna stataloana, ja vèla vèhaš darkkelčebbo olgusjuokkema.

7. september 1904.

J.

Likkotesvuotta.

Okta jottevanas, Kvalsundast erit, devddoi ja gobmani, go læi boattemen Alatagjust Kvalsundi. Dat læi suvddemen muoraid ja potetosid. Olbmuk gagjujuvvujegje, ja vanas maidai birggejuvvui; mutto buok, mai dat vanas læi suvddemen, massujuvvui.

Difterita Vargain.

Difterit (čoddadavdda) galgga læt Vargai gavpugest. Amas dat njoammodavdda vidanet, læ sundhedskommisjona mæredam, atte albmugskuvla dobbe galgga ovta gaski dappujuvvut, ja atte čoakkemak æi galga dollujuvvut dobbe.

Brævva Segelvikast.

Dam 20ad augusta šaddai moljo Segelvikast garvesen. Dat moljobarggo læ juo bistam gutta jage. Vuostas vitta jage legje davalažat 20 olbma dam bargost juokke jage; mutto dam maņemus jage legje dušše 5 olbma. Dat læi mæreduvvum, atte dat rakkanus galgai garvesen šaddat viđa

jagest; mutto daddeke darbašegje si guđad jage inaidai. Dat rakkanus mavsi stati 80000 — gavce loge duhat — kruvna. Dal sattep mi maidai dagjat, atte dat ucca mokkaš læ šaddam mælgat buorre havna. Dast sattek vissasi birgget arvak jottevadnasak moljo duokken, ja jos bæra ollo vadnasak čoagganek oktanaga, de sattek si gøset muttom vadnasid bajas; dastgo dast læ hui buorre ladde, jalgat dego stoppoguolbbe, ja stenkarast læ rieggak birra buok.

Stuoremus vahag orro læme jure dat, atte dat stuora summa, 80000 kruvna, mi læ maksujuvvum dam rakkanusa oudast, ja man diti nu manga olbma læ golgatam manga bakka bivastaga, šadda nu harvidi avken.

Nuftgo aigek dam maņemus jage læ læmaš, atte dorsebivddo i baljo læt gavdnumge, de šadda dat divras rakkanus erinoamašet avken dušše dam golma orroi, guđek dam baikest orruk.

L — A.

Ouddalaš aigaš ja dalaš aigaš bivddemlakke.

(Sisasaddijuvvum.)

Ouddalaš aige bivdde olbmuk njøelljegiguim; mutto dam aige galggek læk pinnjarek, go galgga sattet bivddet, ja dat šadda divrrasčebbo. Ollo olbmuk ferttijek valddet guollefondast stuoreb loana. Min aige čuožžo guolle gukken avest ja favlest. Olbmuk ferttijek čuovvot aige manga lakkai, muttomak bivddet gulid, ja muttomak bargget fastain gruvvabarggo j. n. v.

Mi gullap, atte šadda divras aigge. Jaffo divrro, sëmima lakai gafhe ja sokkar, maid olbmuk darbašek. Værok læk divrrasčebbo go oudal; mutto mi vuorddep buoreb aigid.

v. g. t.

Olbmuk biedgganegje.

(Sisasaddijuvvum.)

Dat læ davja, atte olbmuk šaddek jottat, go sist i læk orromsagje. Mi diettep, atte manga gærde šadda olmuš vuolgget erit su sidastes, go dat valddujuvvu vèlggai. Nuft læ gævvam manga gærde, go olbmuk læk šaddam vèlge vuollai. Buoreb læ occat bargo, go lædet joavddelas-

san. Mi diettep, atte i oktage olmuš æle, go dat i barga. Muttomak vulgge erit, go vanhemaš læk gæfhek. Manga dinga læ aššen dasa, atte olbmuk biedgganek mailme mietta.

X

Ruošakæisara obmudak.

Ruošakæisarest læk bagjel 100 ænam-baikkek, mak læk sudnji stuora sisaboatton. Sust læ maidai 100 sloata, ja sust manna ollo olgus daid sloattaid hærvatet. Sust læk æmbo balvvalæggek go ovtage æra olbmast mailmest. Dai lokko læ 30000 — golbma loge duhat —, olles joavkko koakak, hæstabilebmek, gilvejæggek ja æra balvvalæggek. Sust læk bagjel 40 sloata, maid son i goassege læk oaidnam, manga, maid son læ dušše olgo bæle gæččadam, mutto mai siste son i læk orrom ovta ijage, ja muttom sloatta, gost son læ læmaš dušše ovta ija. Su ječas staljain læ 5000 hæsta, ja su omi lokko læ lagabuidi 50000 — vitta loge duhat —. Gal dat juo læ miha rigges olmai.

Imašlaš testamenta.

Okta olmai, gutte æska jami, læi testamenterim obba su obmudagas — 50000 kruvna arvo — dam olmai, gi oktan su akain garggedi erit. Son cælkka su testamentastes, atte i læk oktage olmuš goassege dakkam sudnji stuoreb usteblaš dago, go dat, gutte su akka mieldes filli. Damditi bijai son ječas oaiivværbolažan.

I læk stuora bæivvèbalkka.

I dat læža Amerikastge dušše goaivvot rutta. Okta olmai, gutte læ læmaš 22 jage Amerikast, muittala, atte davalaš bæivvèbalkka daggar bargo oudast, masa i darbašuvvu dađe æmbo harjancøbme, i læk bagjel 2 dollara. Amerikast i læk šatan æmbo nu buorre balkka barggidi go ouddal.

Amerikast læ divras ællet. Dobbe i boađe olmuš guvtnin dollarin dađe buorebut aigali, go dabe Norgast guvtnin kruvnain.

Vihatuvvum vuodnamistes.

Dat læ galle vuostas have, atte dat læ dpatuvvam, atte okta nuorra olmai vihatuvvu su vuodnamistes. Æp mi baljo darbaš muittalet, atte dat dpatuvvai Amerikast; dastgo ænaš ođđa vierok fuobmašuvvujek dobbe. Amerika blađek muittalek mælgat vitudet dam vihatæme birra. Dat læi Karl Horets, gutte naittali Emily Ait-

kerin Boston gavpugest. Pappan læi Marta Aitker, moarse ædne, gutte doalai oalle njuorasmattem vihatamsardne. Vivva likoi burist dam sardnai; mutto dat læ sagga æpedæmest, atte son mannel alo doattala nu burist su vuodnames sardnami ja ravvagid.

»Sagai muittalægje« doalledi!

Jos dist vailo øktage nummar, de æallet dam birra blade olgusdoaimatussi Sigerfjori. De di oazžobetet daid nummarid, mak vailok. Daggar brøevak mannek portofria, go i namatuvvu brævast æmbo go dat, mi nummarid vailo. Olgobæld konvullutta æallujuvvu »Avissag.«

Smavva raðek.

Go njune vardda garraset, de bija julgidak lavggoi, mi læ nu bakkas, go don gudæge lakkai gierddat. Lasatailla adelassi lavgo duoldde æacin, dassaçi go varddem orosta.

Galbma, rainas æacce læ sagga buorre æalmidi. Bigjal æaccai uccanaš salte, jos dust læ hæjos æalmek, ja ane æalmidak ravas dam æace siste ovta minuta aige, guovte have bæivest. Iðedest berrejek hæjos æalmek doiddujuvvut loikka æacin. Çacce satta rakaduvvut ovta gafhekumma sisa.

Hui buore cementa satta juokehaš rakadet go valdda ja sægota væhaš kalka ja vielggadasa ovta monest, dassaçi go sægotus šadda šælgat ja liedmat. Daina satta okti bigjujuvut muorra, krusa ja ruovdde littek daihe dingak, mak læk cuovkanam. Go dat goikka, de šadda dat garas dego gædge.

Plehve manestæuvvo.

Gubernøra Sviatopock Mirsky læ dal Ruošarikast namatuvvum daihe bigjujuvum kæisar vuostas ministarin Plehve sagjai, gutte sorbmijuvvui dam gæse. Mirsky læ 50 jage arvo boares, ja son guigga læt okta buorrelundug ja sivo olnai. Mangasest læ dat jakko, atte son daida sattet jaskodattet muttom muddoi dam stuime, mi dal læ Ruošarikast, ja buoredet almugolbmui dille. Atte ruošakæisar valdi Mirsky su vuostas ministarin (raddeadden) æajeta, atte son maidai læ boattam dam ibmar-dussi, atte Ruošarika fertte stivrijuvut stuoreb lædesvuodain go oudal.

Mirsky læ almugskuvla usteb, ja son læ su ječas lenest addam stuora addaldagaid skuvlaidi.

Per Sivle jabman.

Oudeb nummarest muittaleimek mi, atte dat darolaš girjeçalle Per Sivle læi sorbmim ješ ječas Kristianias. Son læi 47 jage boares. Son læi ovta gavppeolbma bardne, ja læi riegadam 6ad april 1857. Son boði Kristiania, gost sust læi jurda riebmat studerit; mutto son læi skivas ja fertti damditi hæittet studeremest.

Son læi læmaš skivas ja lossa mielast gukka aige, ja dast duola gavdnui son, jabman Kristiania basadamviesost. Su guoras læi okta pistovla.

Per Sivle læ æallam manga æabba vanhem-ædnam lavlagid

Oalgotæbme ja buccalmavvuotta.

Dat læ imaš, moft ovta olbmu oalgotæbme ja jakko satta dakkat su rak buoccen. Dat dapatus, maid mi dast aiggop muittalet, æajeta, atte dat læ nuft.

Muttom nuorra ammatolmai Indias i dovddam ječas riekta dærvasen dam garra baka ja bagjelmaeralas bargo diti, ja son manai damditi ovta doaktara lusa, gutte læi buoremus daggo lakkasin. Doaktar (dalkastægje) guldali boccin su vaimo ja gæppaid ja bakkodi dasto: »Mon sadim dudnji itten moadde sane.«

Bæive mannel oazžoi dat nuorra olmai bræva doaktarest, mast æuožžoi, atte su gurot gæppes ja su vaibmo læi garraset vigaiduvvam, ja doaktar arvvali dam brævast, atte dat læi buoremus, atte son rakada ječas gærvesen jabmet. Doaktar loapati brævast dai saniguim: »I dat læt nuft arvvedæmest, atte don ik satte ællet moanai vakkoid; mutto dat læ buoremus, atte don ik mannel mavsolæbbo aššid.«

Dat læ arvvedæmest, atte dat nuorra olmai šaddai lossa milli, go son gulai dam. Dat læi juo dat sæmma go jabmendieðetæbme sudnji. Njællja nubbe logad dimo gæðest son i ožžom baljo vuoinastagaid, ja son oroi dovddamen vuoisataga vaimo birra. Son manai sengi daina jurddagin, atte son i šattan æmbo bagjan bajas. Ija mielde šaddai son nu hæg-

jo, atte son fertti saddet balvvalægjes doaktara viežžat.

»Mutto maid læt don dakkam aldsesad? jærai doaktar imaštallamin. Ik don ikte goit læm nuft buoccamen?«

»Mon jakkam, atte dat læ vaibmo,« celki dat buocce hilljaçet.

»Du vaibmo?« celki doaktar.

»Du vaibmo læi aibas dærvas ikte.«

»Mu gæppak.«

»Mi læ boattam du njæiga, olmai? Ik don goit oro læmen garreminge?« celki doaktar.

»Du brævva, sukki dat buocce. »Don æallek, atte must læ dušse moadde vakko vela ællet.«

»Lægo dust olles mielak?« celki doaktar. »Mon addim dudnji dam raðe, atte don galgak sirddet moadde vakkoi dærvvasæbbo aibmoi, vai don dærvvasmuvvat fastain.«

Dat buocce valdi bræva gudda vuolde ja geiggi dam doaktari. »Vuoi gafhat!« æurvvi doaktar, go son gæçasti bræva. »Dat brævva læi æallujuvvum ovta æra olbmai. »Mu kontorçalle læ coggam dam værro konvullutta sisa.«

Go dat nuorra olmai dam gulai, æokkani son dallanaga sænggast ja buorrani hui jottelet.

Ja moft gævai daina buoccin, gæsa dat doavokættes brævva læi æallujuvvum? ja galgai saddinguvvut? Son oazžoi duom olbma bræva. Son illosmuvai, go son logai, atte son dærvasmuvva, go son moadde vakkoi sirdda duoddari dærvvasæbbo aibmoi. Son molsoi dakkavide orromsajest, ja vitta jage mannel læi son ain ællemen, ja son læi dærvas.

FUOBMA DAM!

»Sagai Muittalægje« ožžujuvvu vuostas oktober rajest odða jage ragjai, go 30 øra saddinguvvu »Sagai Muittalægje« doaimatussi Sigerfjori, Vesteraalest.

Oaste hæsta!

Okta hæsta, nubbelokkai jage boares, mutto ain buorre bargoghæsta, vuvddujuvvu dal halbet. Oaste æallus dam blade redaktøri, gutte muittala hæstas hadde, ja gost dat læ vuovddet.

Redaktøra: A. Larsen.

Prenteduvvum „Nuorttanaste“ prentemrakkanusast, Sigerfjorast.